

իս կը հաղորդեմ ձեզ: Ես յայտարարում եմ ձեզ, որ այն ամէնը, ինչ որ պիտի հաղորդեմ ձեզ, զգացում է Վրաստանի հանրապետութեան բոլոր քաղաքացիներէ կողմից: Այսպէս է մտածում ամբողջ Վրաստանը. մենք անկախութիւն յայտարարեցինք 1918 թ. մայիս 26-ին եւ, մինչեւ Դաշնակիցներէ մեզ մօտ գալը, գրադուած էինք բացառապէս մեր նոր պետական կեանքի շինարարութեամբ: Մենք ոչ ոքի հետ չենք պատերազմել եւ ոչ մի տեղ թըշնամի չունէինք: Մեր բարեկեցութեան միակ վտանգը բոլշեակիներն էին, բայց մենք նրանց քչեցինք Սոչիի միւս կողմը, եւ մեր պետութիւնը ազատուեց այդ վտանգից: Կրկնում եմ բոլոր մեզ շրջապատողներէ հետ մենք ապրում էինք խաղաղ:

«Դաշնակիցներէ դալուց յետոյ պատկերը խիստ կերպով փոխուեց. մենք ամբողջ ժամանակ պատերազմում ենք: Նախ՝ Հայաստանի դաւադիր յարձակումը, յետոյ կամաւորականների յառաջխաղացումը եւ, վերջապէս, թիւրք-թաթարական հորդանների ներխուժումը մեր երկիրը Արտասանի կողմից դէպի Ախալցըլա: Ես ատանձնապէս հրաւիրում եմ ձեր ուշադրութիւնը վերջին փաստի վրայ: Վրաստանի կառավարութիւնը միշտ համարել է, որ Բաթումի եւ Արտասանի շրջանները գտնուում են բրիտանական գինեւորական ուժերի անմիջական ազդեցութեան եւ կառավարութեան ներքոյ, եւ ես ենթադրում եմ, որ թիւրք բանակի ասկերներն ու սպաները կը հեռացուին այդ հողամասերից անգլիական հրամանատարութեան կարգադրութեամբ: Կարսի շրջանի վերաբերմամբ մենք ենթադրում էինք եւ հիմք ունէինք դրա համար, որ նա օրինական հիմունքներով պիտի յանձնուի Հայաստանին: Մինչդեռ իմ յիշած տարածութեան վրայ կազմուել է նոր ինքնակոչ մի պետութիւն, որ բաց կերպով յայտարարում է, որ ինքը գտնուում է Անգլիայի անմիջական հովանաւորութեան տակ»:

Զօր. Ուօկկեր. — «Ես այդ մասին ոչինչ չեմ լսել»:

Ժարտանիա. — «Դուք վատ էք իրազեկ, զօրավար, բայց Վրաստանի կառավարութիւնն անվիճելի փաստաթուղթ ունի: Մենք ձեռք

ձգեցինք այդ կառավարութեան պետ Աթարէզովի շրջաբերականը, որի մէջ նա իր համախոհներին յայտնում է այն ամէնը, որ ես պատիւ ունեցայ այս բողջիս հաղորդելու: Այդ ինքնակոչ կառավարութիւնը ստեղծել է կանոնաւոր զօրք, որի մէջ գտնուում են ասկերներ եւ ծառայում են թէ՛ թիւրք եւ թէ՛ ռուս սպաներ. նա պատերազմ է վարում մեզ հետ, եւ նրա զօրքերը Արտասանից ներխուժեցին Ախալցըլա, եւ ամենակարեւոր ու արտար փաստն այն է, որ այդ ապստամբներէ (այլ կերպ ես չեմ կարող կոչել նրանց) բանակներում գրտնրում էին երկու անգլիական սպաներ, որոնք անցել են այնտեղ Բաթումից՝ Աջարիայի վրայով: Մենք կարծում էինք միշտ, որ բրիտանական հրամանատարութիւնը իր կշիռ ունեցող խօսքով թոյլ չի տայ նրանց ներս խուժելու Վրաստանի հանրապետութեան սահմանները եւ այդ համոզման հիման վրայ մեր զօրքը չենք ուղարկել այնտեղ, բայց դուրս եկաւ, որ այդ այդպէս չէ, եւ մենք հարկադրուեցինք պարպել Ախալցըլան եւ այս պահուս կանգնած ենք նրանից 25 վերստ հեռու:

«Հետեւանքները աչքի առջև ես. Սոչիից գատ մենք ունինք մի նոր ճակատ եւս: Վրաստանի կառավարութիւնը համոզուած յայտարարում է ձեզ, թէ երկու ճակատների յառաջխաղացումներն էլ խիստ համաձայնեցուած են: Ամէն ինչ մտածուած ու կազմակերպուած է Բաթումում, եւ այս աղբիւրից ուղարկուել են բոլոր կարգադրութիւնները: Մեզ համար կատարելապէս ակնյայտնի է, եւ այդ բանում դուք չէք կարող կասկածել, որ երկու հարուածն էլ սկսուած են միաժամանակ, եւ այդ բանում կարեւորագոյն դեր են կատարել թիւրք զորձակալները Բաթումում: Նրանց ազդեցութիւնը այնքան մեծ է, որ արդուինցիները մերժեցին ընդունել բրիտանական հրամանատարութեան ուղարկած շրջանապետին»:

Զօր. Ուօկկեր. — «Այդ ճիշդ չէ»:

Ժարտանիա. — «Մենք տեղեկութիւն ըստացանք, որ արդուինցիները մերժել են ընդունել անգլիական ընդհանուր նահանգապետի նշանակած պաշտօնեային եւ յայտնել, որ իրենց համար շրջանի կառավարիչ կ'ուղարկէ Կարսի կառավարութիւնը»: